



**СОНГИНОХАЙРХАН ДҮҮРГИЙН
ИРГЭДИЙН ТӨЛӨӨЛӨГЧДИЙН ХУРЛЫН
ХУРАЛДААНЫ ТОГТООЛ**

2020 оны 12 сарын 18 өдөр

Дугаар 03/09

Улаанбаатар хот

**Дүүргийн Засаг даргын
2020-2024 оны үйл ажиллагааны хөтөлбөр
батлах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 18 дугаар зүйлийн 18.1.1-ийн “д”, 25 дугаар зүйлийн 25.1 дэх хэсэг, Хөгжлийн бодлого, төлөвлөлт, түүний удирдлагын тухай хуулийн 9 дүгээр зүйлийн 9.11.1 дэх заалтыг тус тус үндэслэн Сонгинохайрхан дүүргийн иргэдийн Төлөөлөгчдийн Хурлын ээлжит гуравдугаар хуралдаанаас ТОГТООХ нь :

1. Сонгинохайрхан дүүргийн Засаг даргын 2020-2024 оны үйл ажиллагааны хөтөлбөрийг хавсралт ёсоор баталсугай.
2. Үйл ажиллагааны хөтөлбөрийн зорилт тус бүрийн суурь үзүүлэлтийг хүрсэн түвшинтэй харьцуулан, биелэлтийг тайлагнаж, түүнд хяналт шинжилгээ, үнэлгээ хийсэн дүгнэлтийн хамт жил бүрийн 6, 12 дугаар саруудад дүүргийн иргэдийн Төлөөлөгчдийн Хурлын болон Тэргүүлэгчдийн хуралдаанд өргөн барьж, хэлэлцүүлэхийг дүүргийн Засаг дарга /Н. Алтаншагай/-д үүрэг болгосугай.
3. Дээрх хөтөлбөрийн зорилт тус бүрийн хэрэгжилтийг газар дээр нь шалган, үр дүнг тооцон дүгнэж, хэрэгжилт хангалтгүй байгаа зорилт, арга хэмжээг эрчимжүүлэх зохион байгуулалтын арга хэмжээ авч ажиллахыг дүүргийн иргэдийн Төлөөлөгчдийн Хурлын Тэргүүлэгчид, Хурлын хорооны дарга нарт тус тус даалгасугай.

ДАРГА



Б.ХУЯГБААТАР

Дүүргийн иргэдийн Төлөөлөгчдийн Хурлын
Хуралдааны 2020 оны 12 дугаар сарын 18-ны
өдрийн 03/10 дугаар тогтоолын хавсралт

НИЙСЛЭЛИЙН СОНГИНОХАЙРХАН ДҮҮРГИЙН ЗАСАГ ДАРГЫН 2020-2024 ОНЫ ҮЙЛ АЖИЛЛАГААНЫ ХӨТӨЛБӨР

НЭГ. “КОВИД-19” ЦАР ТАХЛААС ҮҮДЭЛТЭЙ ЭДИЙН ЗАСАГ, НИЙГМИЙН ХҮНДРЭЛИЙГ ДАВАН ТУУЛАХ БОДЛОГО

1.1. Иргэд олон нийтийг “Ковид-19” цар тахлаас урьдчилан сэргийлэх арга хэмжээг хэрэгжүүлж, нөөцийн бэлэн байдлыг хангана.

1.1.1. Гамшгаас хамгаалах хуулийн хүрээнд хариу арга хэмжээг зохион байгуулна.

1.1.2. Ариутгал, халдваргүйтгэлийг хийж, цар тахал, амьсгалын замын халдварт өвчнөөс урьдчилан сэргийлэх арга хэмжээ авна.

1.1.3. Иргэд, олон нийтийг цар тахлаас урьдчилан сэргийлэх мэдээ, мэдээллээр хангах ажлыг зохион байгуулна.

1.1.4. Цар тахлын нөлөөлөлд өртсөн иргэдэд чиглэсэн хүмүүнлэгийн ажлыг төрийн болон төрийн бус байгууллагатай хамтарч хэрэгжүүлнэ.

ХОЁР. ХҮНИЙ ХӨГЖЛИЙН БОДЛОГО

2.1. Дүүргийн хүн амын эрүүл мэндийг халдварт болон халдварт бус өвчнөөс урьдчилан сэргийлэх дэд хөтөлбөрийг хэрэгжүүлж, эрүүл мэндийн салбарын хүний нөөцийн ур чадварыг дээшлүүлнэ.

2.1.1. Эрүүл мэндийн салбарын эмч, эмнэлгийн мэргэжилтнүүдийг чадавхжуулах, нарийн мэргэжлээр сурган, дадлагажуулж, боловсон хүчний тогтвортой байдлыг хангаж, нийгмийн асуудлыг шийдвэрлэнэ.

2.1.2. Эмнэлгүүдийг оношлогоо, эмчилгээний орчин үеийн тоног төхөөрөмжөөр хангах, барилга, байгууламжийг нэмэгдүүлэх ажлыг зохион байгуулна.

2.1.3. Өрхийн эрүүл мэндийн төвүүдийн тусламж, үйлчилгээний чанарыг сайжруулах, магадлан итгэмжлэлд хамруулан, шаардлагатай тоног төхөөрөмжөөр хангахад дэмжлэг үзүүлнэ.

2.1.4. Халдварт бус өвчний эрт илрүүлгийг нэмэгдүүлж, сэтгэц, донтолтын эмгэгээс урьдчилан сэргийлэх зорилгоор “Нийгмийн эрүүл мэндийг дэмжих” дэд хөтөлбөрийг батлуулж, хэрэгжүүлнэ.

2.1.5. Халдварт өвчний оношлогоо, эмчилгээний чанарыг нэмэгдүүлж “Халдварт өвчинтэй тэмцэх, сэргийлэх” дэд хөтөлбөрийг батлуулж, хэрэгжүүлнэ.

2.1.6. Эх, хүүхдийн тусламж үйлчилгээний чанарыг сайжруулан “Эх хүүхэд, нөхөн үржихүйн эрүүл мэнд” дэд хөтөлбөрийг батлуулж, хэрэгжүүлнэ.

2.2. Дүүргийн хэмжээнд иргэдийн нийтийн биеийн тамир болон олон төрөлт спортоор хичээллэх орчин, нөхцөлийг нэмэгдүүлэх, тэмцээн, наадмын тогтолцоог боловсронгуй болгох чиглэлээр биеийн тамир, спортын үйлчилгээний чанар, хүртээмжийг сайжруулна.

2.2.1. Нийтийн биеийн тамир спортыг хөгжүүлэх, иргэдийн биеийн тамир, спортоор хичээллэх нөхцөлийг бүрдүүлэх, усан спортоор хүүхэд залуучуудын бие бялдар, чийрэгжүүлэлтийн түвшинг дээшлүүлэх, чөлөөт цагийг зөв боловсон өнгөрүүлэх арга хэмжээ авч ажиллана.

2.2.2. Дүүргийн Засаг даргын дэргэдэх өсвөрийн шигшээ багийн үйл ажиллагааг өргөжүүлэн, нийслэл, улс, тив, дэлхийн чанартай уралдаан тэмцээнүүдэд оролцуулж, ур чадварыг дээшлүүлж, дэмжлэг үзүүлнэ.

2.3. Хүн бүр чанартай боловсролыг тэгш хүртээмжтэй, эзэмших нөхцөлийг бүрдүүлэх, насан турш сурч боловсрох боломжийг дэмжинэ.

2.3.1. Ерөнхий боловсролын сургууль, цэцэрлэгийн барилгыг шинээр барьж байгуулах, өргөтгөх замаар хүртээмжийг нэмэгдүүлэн, бүлэг дүүргэлтийг стандартын түвшинд хүргэж, сургуулиудын хичээллэх ээлжийн тоог бууруулж, сургуулийн өмнөх боловсролд хамрагдалтыг 86 хувьд хүргэнэ.

2.3.2. Бүх шатны боловсролын байгууллагуудын багшийн мэдлэг, мэргэшил, ур чадварыг нэмэгдүүлэх, сургалтын чанарыг дээшлүүлэх, мэргэжил сонголтыг оновчтой болгох чиглэлээр “Боловсролыг дэмжих” төсөл хөтөлбөрийг хэрэгжүүлнэ.

2.3.3. Ерөнхий боловсролын хоёроос доошгүй сургуульд Кембрижийн Олон улсын сургалтын хөтөлбөрийг нэвтрүүлнэ.

2.3.4. Сургууль, цэцэрлэгийн хүүхдийг эрүүл, шим тэжээллэг хоол хүнсээр хангаж, хоол үйлдвэрлэлийн эрүүл ахуй, нийтийн хоолны үндсэн шаардлага, стандартыг хангаж ажиллах, хүнсний аюулгүй байдалд хяналт тавьж, сургуулиудад хэрэгжиж буй “Үдийн хоол” хөтөлбөрийн чанар, хүртээмжийг нэмэгдүүлнэ.

2.3.5. Багшийн хөгжлийг дэмжин нийгмийн асуудлыг үе шаттайгаар шийдвэрлэн “Багш хотхон” байгуулах ажлыг эхлүүлнэ.

2.3.6. Сургуулийн бүсэд хүүхдэд ээлтэй, аюулгүй орчинг бүрдүүлж, дүүргийн хэмжээнд “Сурагч тээвэр” үйлчилгээг нэмэгдүүлнэ.

2.3.7. Хөгжлийн бэрхшээлтэй хүүхэд сурах орчныг бүрдүүлэх зорилгоор тусгай хэрэгцээтэй боловсролын багш, хүний нөөцийг бэлтгэн хөгжлийн бэрхшээлтэй хүүхдийн цэцэрлэг, бага сургуулийн цогцолборыг байгуулна.

2.3.8. Албан бус-Насан туршийн боловсролын төвийг сургалтын байртай болгож, сургалтын хүртээмжийг сайжруулан сургууль завсардалтыг бууруулна.

2.4. Иргэдийг байнгын ажлын байраар ханган тэдний мэргэжил, ур чадварыг дээшлүүлж, өрхийн орлогыг нэмэгдүүлэн нийгмийн хамгааллыг үе шаттайгаар сайжруулна.

2.4.1. Хөдөлмөр эрхлэлтийг дэмжиж, 40-өөс дээш насны 1000 иргэний ажлын байрыг нэмэгдүүлэн, иргэдийн амьдралын түвшинг дээшлүүлнэ.

2.4.2. Мэргэжлийн ур чадвар олгох сургалтад 500 иргэн, хувиараа хөдөлмөр эрхлэгчдийг бизнесээ хөгжүүлэх сургалтад 2500-аас доошгүй иргэдийг хамруулан чадавхжуулж, хөдөлмөр эрхлэхэд нь дэмжлэг үзүүлнэ.

2.4.3. Нийгмийн халамжийн үйлчилгээг зорилтот бүлэгт чиглүүлж халамжаас хөдөлмөрт бодлогыг хэрэгжүүлнэ.

2.4.4. Хүүхэд залуучууд, эмэгтэйчүүд, хөгжлийн бэрхшээлтэй иргэд, ахмадын талаарх төрөөс баримтлах бодлогыг дүүргийн түвшинд хэрэгжүүлэх, ахмад настан, өрх толгойлсон эрэгтэйчүүд, эмэгтэйчүүд хөгжлийн бэрхшээлтэй иргэдийг дэмжиж ажиллана.

2.4.5. “Ахмадад ээлтэй дүүрэг” дэд хөтөлбөр батлуулж, хэрэгжүүлнэ.

2.4.6. Иргэдийг нийгмийн даатгалын үйлчилгээнд хамрагдалтыг нэмэгдүүлж, нийгмийн даатгалын хамрах хүрээг өргөжүүлнэ.

2.5. Иргэдийн соёл, урлагийн талаарх мэдлэг, хандлагыг нэмэгдүүлэн төлөвшүүлэх ажлыг хүртээмжтэй хэлбэрээр зохион байгуулж, хотын соёлыг түгээн дэлгэрүүлэх, түүх, соёлын дурсгалыг хадгалж хамгаалах, биет болон биет бус өв тээгчдийг нээн илрүүлэх, хөгжүүлэх, сурталчлах ажлыг эрчимжүүлнэ.

2.5.1. Иргэд олон нийтийн дунд хотын соёлыг дээшлүүлэх, түгээн дэлгэрүүлэх ажлыг зохион байгуулна.

2.5.2. Дүүргийн соёлын ордны барилгыг ашиглалтад оруулж, мэргэжлийн ажилтнаар ханган, тэднийг тогтвор суурьшилтай ажиллах нөхцөлийг бүрдүүлнэ.

2.5.3. Түүх, соёлын дурсгалт зүйлийн хадгалалт хамгаалалтыг сайжруулж, биет болон биет бус өвийг сурталчлан таниулах, уламжлах, алдаршуулах ажлыг зохион байгуулна.

2.6. Хүүхэд, гэр бүлийн хүчирхийллийг бууруулах талаар холбогдох шийдвэрүүдийг гарган, хүчирхийлэлд өртөгчдийг хамгаалах байртай болж, гэр бүлийн гишүүдийн хариуцлагыг нэмэгдүүлэн, үлгэр жишээ гэр бүлийг дэмжин, сурталчлах, хүүхдийн эрхийг дээдэлж, залуучуудыг хөгжих, суралцах, хөдөлмөрлөх орчин нөхцөлөөр хангана.

2.6.1. Гэр бүл, хүүхэд, залуучуудад чиглэсэн хөгжил, хамгааллын үйлчилгээ үзүүлэх байртай болж, хүний нөөцийн чадавхыг дээшлүүлэн, үйлчилгээний чанар хүртээмжийг сайжруулна.

2.6.2. Гэр бүлийн хүчирхийлэлд өртсөн хүүхэд, иргэдийг хамгаалах байртай болж хариу үйлчилгээ үзүүлэн, эрсдэлийг бууруулна.

2.6.3. Гэр бүл, хүүхэд, залуучуудын эрхийг хамгаалах, тэдний оролцоог нэмэгдүүлэх, гэр бүлд суурилсан хүүхэд, залуучуудын хөгжлийг дэмжинэ.

2.6.4. Гэрлэх ёслолын өргөөг байгуулж, тогтмол үйл ажиллагаагаар хангаж залуу гэр бүлийг дэмжиж ажиллана.

ГУРАВ. ЭДИЙН ЗАСГИЙН БОДЛОГО

3.1. Орон нутгийн санхүүгийн хараат байдлыг багасган бие даан хөгжих нөхцөлийг дээшлүүлж, татварын орлогыг нэмэгдүүлнэ.

3.1.1. Татвар ногдуулах, хураах үйл ажиллагаанд технологийн дэвшил нэвтрүүлэн татварын үйлчилгээг цахимжуулах замаар дүүргийн төсвийн орлогыг бүрдүүлнэ.

3.1.2. Дүүргийн хэмжээнд газар, үл хөдлөх эд хөрөнгийн бүртгэлийг сайжруулж, татварт хамрагдалтыг нэмэгдүүлнэ.

3.1.3. Албан татвар ногдуулах малын тоо толгойг, мал тооллогын дүнд үндэслэн тодорхойлж, "Малын тоо толгойн албан татварын тухай хууль"-ийн хэрэгжилтийг зохион байгуулж ажиллана.

3.1.4. Орон нутгийн хөгжлийн сан, төсвийн хөрөнгийг эдийн засаг, нийгмийн хөгжилд чиглүүлсэн, үр ашигтай, хариуцлагатай байхаар төлөвлөж, зарцуулалтад тавих хяналтыг холбогдох хууль тогтоомжийн хүрээнд хэрэгжүүлж, үр дүнг тооцож ажиллана.

3.1.5. Төр хувийн хэвшлийн түншлэлийг хөгжүүлж, олон улсын болон гадаад дотоодын байгууллагуудтай хамтран ажиллаж хөрөнгө оруулалтыг татаж, жижиг

дунд үйлдвэрлэл, бизнесийг хөгжүүлэх таатай орчныг бүрдүүлж, тэдгээрийн оролцоог нэмэгдүүлнэ.

3.1.6. Орон нутгийн өмчийн ашиглалтын үр ашгийг нэмэгдүүлэх арга хэмжээг хууль, тогтоомжийн хүрээнд авч хэрэгжүүлнэ.

3.1.7. "Эмээлтийн хөнгөн үйлдвэрийн үйлдвэрлэл, технологийн парк"-ийг байгуулахад хамтарч ажиллана.

3.1.8. Түүх соёлын дурсгалт зүйл, байгалийн үзэсгэлэнт газруудаар аялал жуулчлалын маршрут гаргаж аялал жуулчлалыг хөгжүүлнэ.

3.2. Инновац, гарааны бизнес, үйлдвэрлэлийг дэмжин, хөдөө аж ахуйн бүтээгдэхүүн үйлдвэрлэл, борлуулалтын сүлжээг хөгжүүлж, иргэдийг баталгаат хүнсээр хангана.

3.2.1. Эрчимжсэн мал аж ахуйг хөгжүүлэхэд дэмжлэг үзүүлэх, малын үүлдэр угсааг сайжруулж, бүртгэлжүүлэх ажлыг зохион байгуулна.

3.2.2. Мал амьтны эрүүл мэндийг хамгаалах, малын гоц халдварт болон халдварт өвчнөөс урьдчилан сэргийлэх, эрүүлжүүлэх ажлыг эрчимжүүлж, мал эмнэлгийн үйлчилгээ, хяналтын чадавхыг сайжруулж ажиллана.

3.2.3. Газар тариалангийн үйлдвэрлэл эрхлэгчдийг дэмжин усалгаатай болон хамгаалагдсан хөрсний аж ахуйг хөгжүүлэх, орчин үеийн дэвшилтэт технологийг нэвтрүүлэх, зоорь, агуулахын багтаамжийг нэмэгдүүлэх замаар төмс, хүнсний ногооны хэрэгцээг хангана.

3.2.4. Өрхийн үйлдвэрлэл, жижиг бизнес, эрхлэгч, гар урлаачдыг дэмжих төвийг бүс бүрт байгуулна.

3.2.5. Инновац, гарааны бизнес, окуны үйлдвэрлэлийг дэмжих инновацын төвийг байгуулна.

3.2.6. Дүүргийн нутаг дэвсгэрийн худалдаа, үйлчилгээний байгууллагуудад холбогдох хууль тогтоомж, тогтоол шийдвэрийн хэрэгжилтийг хангах, мэргэжил арга зүйгээр хангана.

3.2.7. Иргэдэд эрүүл, баталгаатай хүнсний бүтээгдэхүүн нийлүүлэх, худалдан борлуулах сүлжээг боловсронгуй болгоно.

ДӨРӨВ. ЗАСАГЛАЛЫН БОДЛОГО

4.1. Дүүргийн төрийн албан хаагчдыг авилгаас ангид, мэргэшсэн, ур чадвартай, тогтвортой ажиллах, нөхцөлийг бүрдүүлж, шатлан дэвшүүлэх, төрийн үйлчилгээг иргэдэд түргэн шуурхай, чирэгдэлгүй хүргэж, төрийн албаны стандарт баримтлан мэдээллийн дэвшилтэт технологийг нэвтрүүлнэ.

4.1.1. Дүүргийн нутгийн удирдлагын төв байрыг ашиглалтад оруулан, 12 хороодыг цогцолбор байраар ханган, иргэдэд хүргэх төрийн үйлчилгээг нэг дор төвлөрүүлэн, хөнгөн шуурхай, чирэгдэлгүй, хүртээмжтэй болгоно.

4.1.2. Төрийн үйлчилгээний шат дамжлагыг бууруулж, мэдээллийн техник технологийг сайжруулан "Цахим дүүрэг" хөтөлбөрийг хэрэгжүүлж, мэдээллийг нь цахимаар солилцох боломжийг бүрдүүлнэ.

4.1.3. Төрийн байгууллага, албан тушаалтныг авилгын эрсдэлээс урьдчилан сэргийлэх, соён гэгээрүүлэх үйл ажиллагааг үе шаттай зохион байгуулж, төрийн байгууллагын үйл ажиллагааны ил тод, нээлттэй байдлыг хангаж, гүйцэтгэлийн үр дүнд тавих хяналтыг сайжруулна.

4.1.4. Албан хаагчдын нийгмийн баталгааг хангах, сургалтын дэд хөтөлбөрүүдийг хэрэгжүүлж, мэргэшсэн, чадварлаг ёс зүйтэй, хариуцлагатай төрийн албыг бүрдүүлнэ.

4.1.5. Гадаад, дотоод хамтын ажиллагаатай аймаг, сум, дүүрэг, хотуудтай хамтарч ажиллана.

4.1.6. “Нэг иргэн-нэг бүртгэл” хөтөлбөрийг хэрэгжүүлнэ.

4.2. Иргэдийн аюулгүй, амар тайван байдлыг хангана.

4.2.1. Гэмт хэрэг зөрчлийг бууруулахад иргэдийн эрх зүйн мэдлэгийг дээшлүүлэх, архи дан согтуурах, гэр бүлийн хүчирхийллээс урьдчилан сэргийлэх, бууруулах ажлыг үе шаттай зохион байгуулна.

4.2.2. Гэмт хэрэг гарч болзошгүй гудамж, зам талбайд 200 хяналтын камер суурилуулж, хяналтын нэгдсэн системд холбоно.

4.2.3. Батлан хамгаалах хууль тогтоомжийг орон нутагт сурталчлах, хэрэгжилтийг хангуулах ажлыг зохион байгуулж биелэлтэд хяналт тавин, иргэдэд төрийн батлан хамгаалах үйлчилгээг хүртээмжтэй, чирэгдэлгүй хүргэнэ.

4.2.4. Гамшгаас урьдчилан сэргийлэх, гамшгийн эрсдэлийг бууруулах, сэрэмжлүүлэх үйл ажиллагааг зохион байгуулж, иргэд, аж ахуйн нэгжийн оролцоог сайжруулан, гамшигтай тэмцэх чадавхыг бэхжүүлэн 21, 40 дүгээр хороонд гал түймэр унтраах, аврах анги байгуулна.

4.2.5. Замын хөдөлгөөний аюулгүй байдлын эсрэг гэмт хэрэг, зөрчлөөс урьдчилан сэргийлэх, авто замын ачааллыг бууруулах, сургууль цэцэрлэгийн орчинд авто замын тэмдэг тэмдэглэгээ, гэрлэн дохио, хурд сааруулагч байршуулах арга хэмжээ авч ажиллана.

ТАВ. НОГООН ХӨГЖЛИЙН БОДЛОГО

5.1. Ойн зурвас, ногоон төгөл, цэцэрлэгт хүрээлэн барьж байгуулан нэг хүнд ногдох ногоон байгууламжийг нэмэгдүүлнэ.

5.1.1. Гэр хорооллын айл өрх хашаандаа мод тарих, ногоон байгууламж байгуулахыг дэмжих чиглэлээр хөтөлбөр хэрэгжүүлнэ.

5.1.2. Дүүргийн суурьшлын бүсийн ногоон байгууламжийн хэмжээг 40 хувьд хүргэнэ.

5.1.3. Нийтийн эзэмшлийн эд хөрөнгө сэргээн засварлах, ногоон байгууламж нэмэгдүүлэх, гэр хороололд чулуун авто зам шинээр тавих, замын нөхцөлийг сайжруулах чиг үүрэг бүхий ОНӨААТҮГ байгуулна.

5.1.4. Баянхошуу уул, Сонгинохайрхан уулын бэл, Улаанчулуут, Монгол наадам цогцолбор орчимд ойн зурвас, ногоон төгөл, цэцэрлэгт хүрээлэн байгуулж, амралт зугаалгын бүс болгож хөгжүүлнэ.

5.2. Агаар, хөрс, орчны бохирдлыг бууруулж, эрүүл аюулгүй орчныг бүрдүүлэн, байгаль орчныг хамгаалах, нөхөн сэргээх ажлыг эрчимжүүлэн экосистемийн тэнцвэрт байдлыг хадгална.

5.2.1. Орон нутгийн тусгай хамгаалалттай газар нутгийн хэмжээг нэмэгдүүлж, экосистемийг хадгалан хамгаалах, доройтсон ой, хөрсийг нөхөн сэргээх, моджуулах ажлыг иргэд, аж ахуйн нэгж, байгууллагын оролцоог ханган хэрэгжүүлнэ.

5.2.2. Түгээмэл тархацтай ашигт малтмалын хайгуул, олборлолтыг суурьшлын бүсэд хязгаарлан, биологийн нөхөн сэргээлтийг заавал хийлгэдэг болгоно.

5.2.3. Хог хаягдлыг багасгах, боловсруулах дахин ашиглах санаачилгыг дэмжин, ахуйн хог хаягдлыг ангилан ялгах, тээвэрлэх бага оврын дундын байгууламж барьж, хог тээвэрлэгч байгууллагыг зориулалтын машин механизмаар хангаж хүчин чадлыг нэмэгдүүлнэ.

5.2.4. Эмээлтэд малын гаралтай хог хаягдлыг ачиж цуглуулах, тээвэрлэх, ангилан ялгах, дахин боловсруулах, устгах систем нэвтрүүлнэ.

5.2.5. Гэр хорооллын 10,000 айл өрхийн ариун цэврийн байгууламжийг сайжруулах ажлыг зохион байгуулна.

5.2.6. Гэр хорооллын айл, өрх, аж ахуй нэгж, байгууллагыг стандартын шаардлага хангасан сайжруулсан түлшээр хангах ажлыг тогтмолжуулж, сайжруулсан түлшийг түгээх, тээвэрлэх, борлуулах үйл ажиллагааг дэмжиж, хяналт тавина.

5.2.7. Дүүргийн 20 дугаар хорооны нутаг дэвсгэрт байрлах сайжруулсан шахмал түлшний бутлуурын цехийг газар доорх байгууламжид байрлуулж, орчны бохирдол тоос тоосонцрыг арилгана.

ЗУРГАА. ОРОН НУТГИЙН ХӨГЖЛИЙН БОДЛОГО

6.1. Авто замуудыг сайжруулж, нийтийн тээврийн хүртээмжийг нэмэгдүүлэн гэр хорооллыг орон сууцжуулах, байгальд ээлтэй, эрчим хүчний хэмнэлттэй дэвшилтэт технологи шингэсэн хувийн сууцны болон орон сууцны хороолол болгон хөгжүүлнэ.

6.1.1. Гэр хорооллын өрхийг цахилгаан эрчим хүчний найдвартай эх үүсвэрт бүрэн холбож, дулаан хангамжийг төвлөрсөн болон хэсэгчилсэн байдлаар шийднэ.

6.1.2. Баянхошуу дэд төвийн бүтээн байгуулалтын ажлыг дуусгаж, "Толгойт" дэд төвийг шинээр байгуулж иргэдийг орон сууцаар ханган, олон нийтэд үзүүлэх нийгмийн болон төрийн үйлчилгээний тэгш хүртээмжийг нэмэгдүүлнэ.

6.1.3. Нийтийн эзэмшлийн талбай, орон сууцны болон гэр хорооллыг бүрэн гэрэлтүүлэгтэй болгоно.

6.1.4. Угсармал орон сууцны болон сургууль, цэцэрлэгийн дулаан алдагдлыг бууруулах төслийг хэрэгжүүлнэ.

6.1.5. Шинэ суурьшлын болон төвөөс алслагдсан бүсэд нийтийн тээврийн үйлчилгээний чиглэлийг нэмэгдүүлнэ.

6.1.6. Явган зорчигчийн аюулгүй байдлыг хангах, авто замын түгжрэлийг бууруулах зорилгоор шаардлагатай байршлуудад нүхэн болон гүүрэн гарц байгуулна.

6.1.7. Зам, замын байгууламжуудыг сайжруулж, нийтийн тээврийн үйлчилгээний стандартад нийцсэн зогсоол, буудал, тэмдэг, тэмдэглэгээ, тэдгээрийн арчлалт хамгаалалтыг бий болгоно.

6.2. Газрын харилцаа

6.2.1. Газар зохион байгуулалтын төлөвлөгөөг жил бүр боловсруулан батлуулж хэрэгжилтийг ханган ажиллана.

6.2.2. Иргэдэд газар олголтыг цахим хэлбэрт шилжүүлнэ.

6.2.3. Газраа 2 жил дараалан эзэмшиж, ашиглаагүй иргэн, хуулийн этгээдийн газар эзэмших, ашиглах эрхэнд хяналт тавьж газар эзэмших, ашиглах эрхийг хүчингүй болгож дахин хуваарилалтад оруулна.

6.3. Инженерийн бэлтгэл арга хэмжээ

6.3.1. Үерийн болон булаг шандны ус, хөрсний ус нэвчилтээс хамгаалсан далан суваг, шугам сүлжээг шинээр барих болон өргөтгөн шинэчилнэ.

6.4. Ус хангамж, ариутгах татуурга

6.4.1. Гэр хорооллын иргэдийн усны хангамжийг сайжруулж, ухаалаг худаг төслийг хэрэгжүүлж, иргэдийг 24 цагийн турш ундны усаар хангана.

6.4.2. Дүүргийн гэр хорооллын хороодын айл өрхүүдийг цэвэр, бохир усны шугам сүлжээнд холбоно.